

# Charla y panel tocante Calypso

ORANJESTAD - Den cuadro di e Aruba Calypso Heritage Week (27 pa 31 di januari) organisa pa Fundacion UniArte, ta organisa un charla y panel cu e titulo: 'Calypso Music and Identity in Aruba'.

Den e charla aki, investigado cultural Gregory Richardson, lo enfoca riba diferente perspectiva relaciona cu e tema di Calypso y teorianan relaciona cu su desaroyo na Aruba. Tambe lo tin un panel di Calypsonians cu lo comparti algun experiencia cu e publico. Entre otro, con ta composita un Calypso y con ta presenta esaki na un bon manera.

Tambe lo tin un 'film preview' di e documentario tocante Calypso na Aruba yama 'Mighty Lords, Kings and Queens; Calypso and the Politics of Recognition'. E documentario aki ta un produccion di cineasta Sharelly Emanuelson. Den



transcurso di siman lo tende mas di e proyecto aki.

Pueblo henter ta keda invita. Especialmente hoben cu ta of a competi den e festival di Calypso y Roadmarch infantil y hubenil. Tur hende por duna comentario of haci pre-

gunta libremente.

Fecha: diamars, 27 di januari 2015

Luga: IPA San Nicolas (Sala Madonna)

Ora: 5:45 pm – 8.00 pm

Idioma: Ingles y Papiamentu

Entrada: Gratis ☐